



Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipue desumpta

Puente, Luis de la

Coloniæ Agrippinæ, 1625

§. 3. Numerus prædestinatorum.

urn:nbn:de:hbz:466:1-39652

Domini, te aspicientis, & exemplum præbentis; ad protectionem, & auxilia, quæ tibi offert: ingentiaq; præmia, quæ promittit: ut sic ad alacriter ascendendum animeris. Siquidem non carer mysterio, quod, quādo Patriarcha Iacob eam in spiritu vidit, *g locum terribilem, domum Dei, & portam cœli;* Sapiēs verò *h regnum Dei* appellauerit: vt intelligeremus, per crucis horrorem concendi ad regni cœlorum quietem: quod *i regnum,* dixit ipse Salvator *vim pati, & violentos illud rapere,* pugnantes strenuè aduersus Dæmonis, mundi, & carnis exercitus: qui hanc scalam ascendentibus, sese opponunt; ac vehementer ad lapsum impellunt. Sed non præalent tamen, quia Dominus summitatis scalæ innixus, suos retinet, ne labantur: quemadmodū fassus est David dicens: *k impulsus eversus sum, ut caderem: & Dominus suscepit me.*

*Q*uis verò modos varios referre nouerit, quibus prædestinati per suam scalam ad æternam vitam ascendunt? omitto infantes, quos Dominus per Baptismi Sacramentum iustificat, & ante discretionis tempus transfert in cœlum: quibus similes sunt alij, qui vitam bonam in sua iuuentute inchoâtes, ad æternâ transferuntur, præudente scilicet infinitâ Dei sapientiâ, si diutius viuerent, Dæmonem eos rapturum. Quod insinuauit Sapiens dicens: *l placens Deo raptissej, ne malitia mutaret intellectum eius: aut ne filio deciperet anima illius; sed consummatus in brevi explevit tempora multa: placita enim erat Deo anima illius: propter hoc properauit educere illū de medio iniquitatis.* Quām fuerit anima illa Deo placita, quæ tantam apud eum inuenit gratiam, ut temporalis eius vita cursum abscederet, cum æternâ amittendâ periculum immineret! & ex nequam mundo in cœlum transferret, vbi æternū ipso, & abique ullo periculo frueretur! Alij tamen sunt, quos post multos annos in peccatis transactos, repente Dei commutat; trahitque ad se, antequam ad yomitum reuertantur: eo quod, si diutius vita protraheretur, perseuerantiam amitterent. Alios, copiosiori, licet rariori, sua misericordia, cùm totam vitam male expendissent, in ipsa mortis hora Deus conuertit, quē admodum fecit cum latrone, quem ex cruce transtulit in paradisum. Denique aliqui per hanc scalam ascendunt cadentes interdum, & resurgentibus; alij impingendo, & moras trahendo, ac iterum pergendo. Nec detuit tamen, qui recte ascenderit absque ullo lapsu; nec impigerit, aut hæserit in ipso ascensi: qualis fuit SS. Virgo, quæ rectius per eam ascendit, quam ipsimet Angeli, quos Iacob per eam vidit ascendentibus.

§. III. Numerus prædestinatorum.

DIFFICULTAS ascensionis per cœlestem hanc scalam, dubium nobis statim ingerit, an pauci nū ero sint prædestinati, qui per eam ascendunt? Cuiudio respondit Sanctus Ioannes, cùm dixit: *a vidi turbam magnam,*

Bello pax
quaritur.

Gen. 28.17

Sap. 10.

O.

i Matt. 11.12.

*eius prote-
ctor noſter.
c Psal. 117.*

3.

1 Sap. 4.10.

Innocentes

2.
Pauitentes.

3.
Fere despe-
ratos sal-
vati.

a Apo. 7.9.

quā dinumerare nemo poterat; ex omnibus gentibus, & tribubus, & populi, & linguis, stantes ante thronū, & in conspectu agni, amicti stolis albis, & palma in manib; eorum, in signum victorie, quam suis operibus obtinuerūt. Quæ S. Apostoli sententia summae consolationis est omnibus Christianis, ut quæ instar sit pignoris cuiusdam, quod simus de innumerabili ac felicissimo hoc numero. Quamobrem opera pretium erit efficacissimis eam rationibus, quæ nostrani consolationem augeant, confirmare.

NAM in primis ita decebat infinitam Dei bonitatem & charitatem, quæ primus fons est & radix prædestinationis. Cum enim bonitas eius summè propédeat ad gratię suę glorięq; thesauros hominibus cōmunicandos; cūpiens, quod in se est, omnes, eorum esse participes: conuenientissimū erat, ut plurimi absq; numero eos re ipsa cōsequerentur: vt hæc bonitas & charitas, de quibus adeò gloriatur Deus, aeternū in eis splendorēt. Et siquidem iustitia diuina infinitum erat reproborum numerum, ob illorum peccata repertura, in quibus eius emineret excellentia: rectum etiam omnino erat, vt eius soror misericordia copiosissimum etiā eorum numerum inueniret, in quibus thesauros suos infinitos aperte manifestaret. Et quāuis verū sit, quod pretiosum est, rarum esse debere; & parum, si cum viliori comparetur; his tamen cōparationibus non adhibitis, æquissimum est, in aula diuina plurimum esse de pretioso, ad maiorem eiusdem Deigloriam.

Hic accedit, id fuisse conuenientissimum, ad gloriam IESV Christi D.N. qui caput est prædestinatorm, quos eius meritis Deus b. elegit in ipso, & ut esset ipse primogenitus in multis fratribus. Quis enim dubitare potest, ad honorem huius Domini pertinere, ut fratres innumeros habeat, qui fructu laborū eius fruantur? Quod si eius sanguinis pretium sufficiensissimū erat, ad salutem infinitorum hominū promerendam, pro quibus omnibus ipse illum obtulit cum ingēti cordis affectu ac desiderio, vt oēs eius essent participes, certa res est, quod aeternus eius Pater voluerit re ipsa eius desideriū explorare & infinita adeò merita innumera prædestinatorum multitudine remunerare. Quod ipsum per Prophetam suum Isaiam, clūm de huius Domini passione loqueretur, protestatus est: d pro eo quod laborauit (inquit) anima eius videbit, & saturabitur: in scientia sua iustificabit ipse multos, adeo dispersos & plurimos. Si igitur dulcissimus hic Redemptor, qui imenso adeò tenebatur desiderio salutis omnium hominum, remunerationem suę passionis vidit, & saturatus est: immensus procul dubio erit numerus filiorum quos vidit: qui ad tantum desiderium exsatiandum suffecerunt. Nec exiguum huius rei indicium est, quod in sua Natiuitate voluerit; e omnes pueros, qui erāt in Bethelem, & in omnibus finibus eius, esse ex prædestinatis: quos ad se per martyrium accepit: vt hac ratione famam suam tenero adeò copiosoque fructu satiare inciperet.

Q VI D

b Ephesi 4.
c Rom. 8.29

Isai. 53ii.

Matt. 2.6.

Quid vero dicam de infinita diuini huius verbi charitate, quod (vit ait Apostolus) noluit *f Angelos apprehendere: sed semen Abrahæ apprehendit*: homines hac ratione in amore & honore Angelis præferens: si ergo Angelorum prædestinatōrum (vit ait Daniel) *g millia millium, & decies millies centena millia afflunt* D E o: credibile omnino est, ipsum elegisse etiam millia millium ex hominibus: ut genus suum hac ratione honoraret, & pro sapientiam familiamque nobilitaret. Siquidem, S. Anselmo teste, non fuerunt homines ex occasione lapsus malorum Angelorum prædestinati, ut eorum sedes occuparēt; sed recta præcipuaque intentione, quamvis illi non cecidissent, homines fuissent prædestinati: eo quod vellet Deus eos honore, & ex eis triumphantem Ecclesiam condere: quam in sponsam ducendo, infinita ipius charitas in ea eluceret. Quamobrem in die Iudicij, cum sententia pro iustis feretur, non dicetur: *h venite benedicti Patris mei, possidete regnum Angelis alioqui preparatum; sed PARATVM VOBIS à confititione mundi: eo quod ipsos delideret DEVS venire, proprijsq; meritis illud possidere.*

Hic sadde: ad valde plenum Beatorum gaudium spectare, ut plurimi illi sint; nec desit hoc bonum illi statui, qui omnes illos complectitur. Cum enim nulla inter ipsos sit inuidia, sed adeo inflammata charitas, ut quisque de aliorum bono ita exultet, atque si esset propriū: quod eorum numerus erit maior, eo crescent gaudia magis. Quisque enim de omnium gaudio, & omnes de vniuersitate exultant. Et quoniam omnes summe D E V M amant, summe etiam gaudent, quod ipse D E V S à tanta Sanctorum multitudine diligatur, & glorificetur.

ID EM clamat cœlum Empyreum, quod præparauit D E V S pro hominibus potius, quam pro Angelis. Angeli enim, cum sint, spiritus, non magnopere corporeo loco indigebat, in quo maneret: homines autem, qui glorificata corpora erant habituri, expediebat locum habere corporeum sibi proportionatum, & eorum capacem. Cum igitur cœlum ipsum Empyreū adeo sit magnum, ut terra tota in eius comparatione sit instar puncti: quam cœrit numerabilis prædestinatōrum numerus, quorum glorificata corpora sunt illud occupatura? Quisque enim prudens in ea magnitudine domum ædificat, qua ad numerum in ea habitantium opus sit; qui si pauci numero semper essent futuri, non magnam ædificaret: si autem magnam ædificet signum est, futuros multos, qui eam inhabitent. *i O Israel* (ait quidam Prophetæ) *quam magna est domus DEI, & ingens locus possessionis eius!* quam domus cum sit habitatoribus replenda, merito dicere licet: *O Israel quam sunt innumerii, qui in DEI domo habitant;* & quam sine numero eius subdit*incon turbetur* (ait Christus suis discipulis) *cor vestrum: quia in domo Patris mei mansiones multæ sunt, ac proinde multi eius incolæ futuri:* Inter quas etiam erit

f Heb 2,16

g Dan.7,10.

Lib.1.cur
Deus homo.
e, 18.h Matth.25
34.

4.

i Baru.3,24.

i Ioan.14,1

vobis locus. Hæc fuit prima ratio, qua ipse consolatus est suos Apostolos in nocte cœna. Nulla enim potest esse in terra consolatio, quæ vera sit & ex corde, nisi illi spes innitur, quod per scalam prædestinorum ascendere liceat ad regnandum cum Deo in malioribus æternis. Et hoc ipsum est, quod idem ipse Dominus prius dixerat eisdem discipulis, gaudentibus ob miracula quæ patabant. *k. Luc. 10. 20.*

Iob. 20. 5

l ad instar eff puncti, quod vix audiri aut videri potest; eò quod in momento pertranscat; sitq; propterea minimum gaudiorū Dei; & quasi nihilū, si cum gaudijs eternis cōferatur. Et quemadmodum punctum nūquam reperitur separatum & solum; sed coniunctum alicui corpori. Quanto, in quo conseruetur. Ita gaudia, quæcumque ex rebus huius vita proueniunt, vt verā sint, non possunt sola esse; sed gaudijs illis coniuncta, quæ adfert spes honorum æternorum, quibus fruentur Electi. Siveram lætitiam optas, lætare, quod ostenderit tibi Deus scalam, per quam possis cum prædestinatis ad cœlum ascendere, lætare, quod te vocet, inuitetque ad ascendendum per eam: lætare, quod aliquos iam gradus cōscenderis; pignusque habeas, & spem, quod possis ad ultimos peruenire: lætare, quod videas Deus in ipsa scalæ summitate, auxilium tibi promittentem; & Angelorum exercitum per eandem ascēdētum, manumque tibi porrigentium, vt faciliorem ac iucundiorem habeas ascensum.

6.
Timor moderatus sit

in Matth. 16. 22.

Quod si de aliquo tibi dolendum, aut tristandum est: Id propterea sit, quod te videas procul ab ascensi per hosce gradus: quia te ipsum horro tradis de eis concepto: aut si cœpisti cōscendere, resili propterea, quod timeras, te non perseueraturū; & à felicissimo saluandorum numero culpā tuā excludendū. Quæ quidem iusta est causa timoris; sed sit ille moderatus, nè desperationi, aut animi defectioni, detur locus. Verè n. tantū est malū: esse de numero reprobō; vt, si certò scirem⁹, in quauis ciuitate, aut prouincia nō nisi vnicū esse reprobū, sufficiēs hæc esset causa, ad incutiendū omnibus eius incolis timorem. Quemadmodum Apostoli omnes conterriti, & in cōstristati valdefuerūt, quod Christus dixit: *Amendico vobis: quia unus versus traditur us est: qui, vt se à concepta anxietate expedirēt, cōperunt singuli dicere: Nunquid ego sum Dominus?* qui tale facinus sum perpetratus? Et quamuis eorum undecim ex testimonio conscientiæ bona securi satis essent, quod non agerent de tanto scelere: quia tamen adeo illud erat horrendū, non fidebant soli illi testimonio. Quid igitur faceres, si Deus

reueca-

reuelaret, vnum aliquem ex ea cinitate, in qua tu habitas, esse destinatum ad perpetuā in inferno habitationē: o quantas angustias, quātas anxietates cor tuum persentiret! quā totus tremeres, nē forte tu esles ille infelix, cui sors adeō horrenda cōtingeret! Bene hoc nouerat ipse Saluator, cū in parabola nuptiarum, in qua plurimi in uitati conuenerant, dixit, vnum fuisse deprehensum n^o absque ueste nuptiali: ac propterea a nuptiali coniuicio exclusum, missum esse in tenebras exteriores: existimauit enim, satis fore, vel vnicum nominare, vt omnes simul tremerent: ex quo timore cautiōres redderentur, ac solicii, nē forte & ipsi excluderentur.

Vnus perculum terreat omnes.

n Matt. 22.
12.

1.

a Eccl 1.15

b Matth. 7.
14.
c 22.14.

Ex his accipere solent pusillanimes occasionem adeō tremendi iudicia D e i circa prædestinationem & reprobationem hominū, vt millies animis cadant; saepq; curiosè, temere, & arroganter contra D e i in sua gubernatione dispositiones cōsiliaq; iudicēt: præcipue cūm perpendunt, quānis numerus prædestinatorum adeō sit magnus, vt supra est dictum: sine vla tamen comparatione multò esse maiorem reproborum: siquidem propterā dixerit Salomon: a Stultorum infinitū esse numerum: meritò stultos appellans, qui sua culpa pereant. Alij quidem quod fugientes ipsam scalā cœli, deterstantesq; religionē Christianā, nec primū eius gradū, qui est Catholicæ fidei, attingire velint. Huiusmodi sunt hæretici, Iudei, Mauri, & Gentiles omnes: ex quibus tres ferē huius numeri partes conficiuntur, & repletur infernus; cumq; eorū multò sit maior, quā Christianorū numerus, iurē dicitur: b paucos esse qui inueniāti viā, qua ducit ad vitā, & c multos esse vocatos, paucos vero electos. Alij verò, quodd cū ascendere ceperint, & ad gratię statum peruenient, ab eadē excidant culpā suā: & cū possent per pœnitentiā refurgere, id negligāt; spontē eligentes, esse infelices huīis numeri partē, & à cœlesti felicitate excludi. Sed neutri horū causam habēt, cur de D eo cōquerantur: qui in medio & conspectu totius mundi erexit cœlestē quandā scalā, per quam possint omnes in cœlum ascendere designans sua generali prouidentia omnibus hominibus sufficientissima media, ad obtinendam salutē nisi ipsi sibi desint: quāuis, ad infinita suę misericordiæ diuitias ostendēdas, maiora studia aliquibus, quam alijs ostendere velit. Ex quo prouenit, vt alij quidem re ipsa saluentur: quod verò alij pereāt, id propterā accidit, quod vti nolint subsidijs, quae D e i omnibus offert vniuersim. Quemadmodum videre licet in duabus illis sociabus R VTH & O R P H A: quarum prior inuenit gratiam in oculis D e i, à quo vocata, ascendit per scalam cœli: quia diuinæ vocatio in obediuit: posterior, verò, et si etiam vocata, noluit tamen ascendere: eligens potius in sua idolatria permanere, quemadmodum posteā videbimus.

Hvc-